

Compania Sunny lo tuma e casino

A HAYA SOLUCION PA MERENGUE CASINO

ORANJESTAD(AAN) -- A haya un solucion pa Merengue Casino. Ayera e compania Sunny a entrevista e trahadornan y a informa nan cu nan por aplica di biaha pa traha. E luna aki

PLEITO FORMAL DJIS PAFOR DI WARD DI POLIS

ORANJESTAD (AAN): Den "boca di leon" algun joven a bay regla cuenta cu otro. Tabata casi 4'or di marduga, cu algun agente mester a sali for di nan despacho pa atende un grupo persona cu tabata discuti fuertemente pafor di Warda di Polis na Oranjestad.

Polis a intermedia pa evita cu cos empeora. E damita di inicial E.W. a splica Polis cu e homber Dominicano V.P. a presenta na su cas enbusca di problema. Na dado momento V.P. a bay asina leu pa basha schop riba auto di un Tercel color blauw.

E vehiculo aki ta pertenencia di e damita di inicial A.T. cu ta amiga di E.W.

Wel e acto aki a pone e damita boneriano R.W. rabia asina tanto cu el a pasa man pa un obheto y a lembe e Dominicano V.P. den frenta. Consecuentemente e golpi tabata asina fuerte cu e herida a keda den forma di un cap.

Mientras tanto un joven E.L. a pasa den su pickup y a duna e Dominicano V.P. un lift direccion di Warda di Playa. Pero e dos mucha muher nan esta E.W. y A.T. a dicidi tambe pa bula den nan auto y a sigui tras di e pickup te Warda di Playa.

Dilanti warda problema a continua, e damita R.W. usando un boter na dos pa tres ocasion tabata dal cu e obheto aki contra porta di e pickup. Mientras tanto Polis a intermedia y a constata cu e Dominicano V.P. ta bao di influencia.

Pa evita mas problema y pa su seguridad el a worde teni na Warda di Polis na San Nicolas. Tur esnan envolvi a worde avisa cu nan por acudi na despacho di Recherche Balashi pa entrega keho.

mes e casino lo habri. Grand Aruba Casino a duna mediador di gobierno un cheque como un gesto moral pa e trahadornan.

Informacion cu DIARIO tin ta muestra cu despues cu Grand Aruba Resort and Casino a laga pone beslag riba Merengue Casino, e casino no a habri su portanan mas y e trahadornan a keda sin trabao.

Manera DIARIO a publica den forma exclusivo, International Thunderbird Gaming cu ta e compania madre di Merengue Casino a laga sa cu nan ta cera e casino pasobra nan a perde mas di 2 miyon dollar Canades y cu nan ta concentrando den casinonan na Panama.

Sindicato F.T.A. a reuni cu gerencia di Grand Aruba Resort and Casino pa mira si lo por tin un alternativa pa e trahadornan. Negociacionnan a sigui tuma lugar te cu awor ta parce cu tin un compania interesada den opera Merengue Casino.

Ta asina cu ayera e compania a entrevista e trahadornan di

Merengue Casino pa mira kendenan e trahadornan ta.

DIARIO a entrevista presidente di F.T.A., Rudy Geerman, kende a bisa despues di 25 dia cera, porfin ta hayando un solucion pa Merengue Casino.

Ayera tur e trahadornan, entre 38 y 40, mester a bay cerca e compania pa un entrevista caminda di biaha nan por a aplica pa trabao.

Ayeratardi ora cu F.T.A. a haya e cheque for di mediador di gobierno, e abogado di Grand Aruba Resort a duna minister un map cu tur informacion di e compania.

Geerman a splica DIARIO cu Sunny ta un compania hoben y e doño ta di Inglatera. E compania aki ta operando 6 casino den Caribe entre otro na Africa. Nan ta opera casinonan chikito. Actualmente e instancianan concerni ta buscando tur informacion riba e compania aki promer cu dun'e permiso pa opera e casino.

E intension di Sunny ta pa cuminsa opera e casino riba 12 of 13 di December y dia 15

di December 1998 haci e apertura oficial.

Geerman ta haya cu e apertura ta mucho laat. El a bisa cu e trahadornan ta haya cu Sunny-mester habri e casino di biaha pa e ora ey ta prepara pa e temporada halto. E trahadornan no ta haya e estrategia di Sunny esun ideal.

Pa loke ta trata e operador di Merengue Casino, Geerman ta spera cu e instancianan lo averigua cuanto placa e debe na entre otro SVB y belasting y cobra esakinan promer cu nan baha na awa.

F.T.A. ta spera cu tur e trahadornan lo haya trabao aunke cu Sunny ta conoci pa opera casino cu no hopi trahador. Segun Rudy Geerman, experiencia ta muestra cu ora un operador nobo cuminsa opera un casino e ta cuminsa cu 60 pa 70 % di su personal y esnan cu nan ta reduci ta e "dealernan".

E trahadornan di e casino tin experiencia amargo ya cu den e ultimo 5 añanan e casino ey a conoce 3 operador.

Pa loke ta trata e cheque cu

F.T.A. a haya, esaki ta di 15 mil dollar o sea 26.700 florin pa e trahadornan. E trahadornan a dicidi cu ta dividi esaki na parti igual y esey ta representa 8 dia di trabao cu sigur ta algo di aprecia.

Geerman a splica cu ta door cu F.T.A. a haci un apelacion riba Grand Aruba Resort riba nan responsabilidad moral, nan a haci e gesto aki.

No ta conoci ainda con e number di e casino lo bira. Tin duda cu lo laga e number Merengue Casino ya cu esaki a laga un mal imagen atras.

Ta asina cu dentro di un siman e trahadornan cu ayera a worde entrevista pa Sunny, lo worde yama un vez mas pa bolbe worde entrevista. Geerman ta haya cu e proceso aki ta dura di mas y consecuentemente e apertura no ta na comienso sino mey mey di december. En todo caso, a yega na un solucion pa e trahadornan di Merengue Casino, kendenan pa 25 dia tabata biba den un incertidumbre y awor a lo menos tin e seguridad cu nan ta caba aña y habri 1999 cu trabao.

PA BROCOPONDO ME VOY!!

